

偶

齋

詩

草

偶齋詩草外集卷三

癸乙雜鈔集上

宗室寶廷竹坡著

林屋洞

癸

洞庭三洞隱山麓曰雨曰丙曰賜谷神龍擇里斯聚族
不宅於水宅於陸五門旁通穿地軸東齊西晉南粵蜀

仙區蘊靈分嶽瀆第九洞天標林屋

太湖西洞庭山有三洞一名雨一名

丙一名賜谷相傳龍所宅土人呼爲龍洞卽道書所謂
第九洞天林屋者也中傳有五門通岱宗王屋峨嵋羅
浮昔吳王使靈威丈人入洞石几上得素書今其處不
能到有石阻之呼爲隔凡石我來探奇搜
靈籙幽宮深入不嫌瀆入門猶宏入轉促陽輝不照晝

然燭怪石如函四圍束石峰逼人入漸縮石上磨背下
磨腹人作蛇行手代足水氣蒸人冬暑溽石汗淋漓滴
如沐重門深鎖折拳曲倏狹倏廣室迴複石乳倒垂白
擬玉幻形變象鬼丁簇腥風射竇捲仙蝠足跡滿地陰
苔綠洞中蝠甚多滿地足跡不知何來老龍習靜厭塵俗隔凡石隱不
許矚半途路絕停遊躅靈境中止十得六導者不知路行不及半途
返未見遊興未盡往而復仙書阻斷心漸慙何時鼓勇
隔凡石遊重續石几窮覓尋靈牘

石公山 癸

一石插湖湖水裂峭壁萬仞鑄生鐵石頂平截根直拔
僵立欲仆樹糾結大波搖山雲趾活石骨穿空浪頭齧
橫通斜轉路始達山腰巖開啓洞穴嬾雲歸家宿靈窟

山有洞
名歸雲

五湖萬頃莽空濶遠山周湖接西越火輪壓山

銜落日暮雲灼水浪如血朱光倒浸蛟龍熱老衲留客

棲禪室甜酒潤喉飽薇蕨

山有石公菴是
夕投宿於菴

夜深開門看

明月一白千里天地潔亂山出水如積雪水光山影候
明滅漁火數星出復沒潛蚪夜出腥風疾鸛鶴驚飛鳴
悲咽倚石獨立心惴慄歸寺冷卧伴古佛哦詩留與石

公別

山有石如人呼石公石姥

詰朝策杖攀嵒

次日將登縹緲峰

皆平園中新室落成置酒招同人賞海棠醉後成

此贈皆平兼呈同席

乙

海棠兩樹高於屋香萼垂垂睡方足東風一夜吹夢醒
滿樹嫣紅襍嬌綠園花雖舊屋宇新落成恰喜當殘春
友朋疎嬾未燕賀主人好客先開樽主人能酒兼能詩
狂奴故態通國知平生憫儻有奇癖醉後欲與天爭奇
賞花不惜沽美酒草堂布席聚良友高歌拍案花神驚
興來不復知石斗酒兵對壘同爭雄長鯨渴吸開心胸醉

倒花下仰面卧白雲亂走青天空新居頌禱宜吉利醉
人妄言忘忌諱願君百年守此園海棠常開人常醉

九月望偕皆平縵鄉昆明湖步月

乙

羣山帶暮烟倒影印波底涼風颯然來寒聲起蘆葦四
顧無行人明月滿湖水

酒肆題壁

乙

有口不敢開低頭且飲酒開門看夕陽西風逐雲走

長新店旅舍題壁

甲

彈指光陰疾似馳水郵陸驛旅遊遲此行不負君恩

重到處湖山盡有詩

江南江北泛星槎半載奔波始到家檢點歸裝自珍重

惠山泉水白雲茶

遊惠山從廟祝乞泉一器
天竺僧贈白雲峯所產茶

九月七日醉後作

乙

九天閶闔排雲開光輝燦爛明三台罡風橫吹不許上
酒星飄墜眠塵埃能禁我上天難禁我飲酒良宵無物
遣愁懷憂來何憚傾大斗者不見昌黎披腹呈琅玕致
君有術自進難又不見謫仙長嘯吟梁父不能攀龍見
明王位卑分賤難自由越俎代庖徒取侮盡心而已遑

論他有酒且飲休多語狂奴故態狂又顛壯心奮發追
前賢倒懷諫章枕杯卧大開醉眼看青天岌岌哉我欲
攀天高莫及我欲告天遠莫聞神仙尊嚴凜然不可犯
凡夫俗骨那敢登青雲吁嗟乎鳳凰知時待瑞始鳴鷹
鷂食飽俯首無聲何小鳥之瑣細兮獨噉噉而嚶嚶歎
羽毛之未豐滿兮徒欲高飛而力不能

臘月望日伴城旅舍題壁

癸

年近路猶遠月圓人未歸荒村數聲柝孤客自歔歔殘
雪壓茅屋暗風開破扉故園梅已放惆悵夙心違

自桃源登滴水巖天泉寺

晨起辭桃源策杖入幽谷亂石不容趾徐行屢躑躅峽
口開如門一術通委曲始入狹轉寬岡巒繞迴複嶺掩
白日迤崖逼青天縮行折忘遠近陰森怵心目峭壁劈
凍青銳峰挺寒綠旋轉至谷底古剎建山腹澗斷立危
垣巖開吞老屋挹泉試新茗飢飮飽麥粥奇境恣險怪
山深人難俗幽景羣遊入禪房忻同宿天明別僧去欲
下幾瞻矚

同文鏡寰王公玉志白石宗子美子佑昆季端陽

後一日集昆明湖送夏滌菴歸富陽

滌菴名震川富陽人

余癸酉所得士也年未冠天才英發有大志甲戌聯捷甲

去秋典試之杭州西湖到處窮登遊取士喜得滌菴子
地靈人傑誇兼收惜哉促迫不久駐未能相與同尋幽
今年滌菴來燕京南宮高捷承恩榮衣錦南旋不可
阻會遲離早傷中情臨歧無物可爲贈餞別相約昆明
行一時名士盡集送酬詩醉酒幽懷增詩酒麤戰極歡
樂勝境清曠超西冷狂風催雨翻山飛羣峯應響奔驚
雷殘陽一片破雲下雨腳斜走橫山西風頭衝雨不得

過頃刻雲散青天開疑是神龍不肯阻雅集甘霖挾到
旋兜回誰道晴湖不如雨湖好洗出山色尤雄奇天光
嵐翠並作一湖碧晴烟罩水沾人衣詩成雨霽日將暮
酌酒飲君送君去君到西湖憶遠人莫忘今日題詩處

飲酒與鏡寰聯句 乙

有酒飲君休辭醉縱有傷心莫垂淚 竹 論詩相對無不

歡請看古今誰適意 鏡 頭顱未斫且自豪不知何笑何

號咷 竹 居然神已遊象外乘之愈往空秋毫 鏡 天之外

吾不能至地之下吾不能下區區四海若爾人何妨任

其笑且罵安能逃出紅塵中
滄海萬里乘長風十萬八
千里路任遊覽收縮宇宙雙眸中
竹如斯壯志幾時遂
不如痛飲醉且睡
鏡

寄懷楊石泉

甲 昌溶

我身歸家心未歸
詩魂寄在錢塘西山牽水挂不肯放
迢迢兩地空相思
我不能忘西子湖我不能忘湖上山

我不能忘湖山賢主人

石泉楚人癸酉余典試浙江石泉以中丞監臨闈中有詠桂祭

奎星詩

主人矯矯詩中仙
煎茶棘院揮吟牋
手攀丹桂

皆佳
禱奎躔列宿嘖嘖詩名傳
朱衣點額誦佳句滿堂士子

生羞顏我來武林兩月餘湖山到處飛雙鳬山僧野老
頌聲遍說尹在口良不誣詩筵文宴叨醉飽唱酬盡日
窮懽娛挂帆一別倏半載朔風海日憐暎孤良朋勝地
繫懷抱愛而不見徒嗟吁紅塵捲風暗燕市朱輪華轂
奔如水酒酣脫帽倚高樓拍掌狂吟醉欲死昂頭南望
大江南暮雲遮破斜陽紫舊詩塗抹遍餘杭墨痕猶在
孤山陽

湖上題詩數十首孤山題壁世間後第一作也

煩君寄語林處士題詩

人已還故鄉

十月朔登葛嶺初陽臺看日出題壁

癸巳日月並出

義娥爭雄不相讓一時飛出蓬萊上海若屏氣不敢關
關魄鑒光互推盪火珠破浪騰寒空海波倒射江雲紅
素光追逐不少放一輪的礫旋當中有時日月體暫分
雙圓相結排連環有時日月體相合陽輝閃閃留一而
倏分倏合無定形兔掩烏遮影重沓仙風吹上東山頭
霞光四暈青天狹憶昔葛翁修金丹精華吐納山之巔
高臺傾倒牘亂石仙踪靈異垂千年我來訪古覽奇景
愧多凡骨飛昇難笑吸初陽化奇句大書留與仙人看

飛來峰題壁 癸

繫舟登曲隄策杖入林麓岡巒排錯襟洲渚繞迴複澗

轉孤峯撐寺低羣嶺東山門中道立幽境界靈竺

飛來峯下

有門三楹當道立標曰靈竺山門謂靈隱天竺

壁透天開眼山穿人入腹古洞

卧藏龍陰穴乳凝玉旭射嵐氣丹雲皴石花綠幽深恍

神魂靈巧快心目勝蹟此間萃良遊何日續拭壁題新

詩留待重來讀

題芥航上人焦山守鶴圖

癸

霹靂一聲山雲裂老鶴驚鳴墮龍窟千秋墨寶鎮珠宮

蛟抃螭歡據靈物

山有瘞鶴銘在西麓下臨江後崩墜江中遂名雷轟石陳公鵬年出之江

中建亭
覆之

長沙陳叟人中豪手探江月分鯨濤馮夷垂涕

不敢阻鼓翼飛上山之切貞珉重睹堅如故高亭遮蓋

藏牢固滿江烽火不能燒古佛靈仙共呵護

粵寇擾江南金山被

燬焦山
燬完

我來渡江登焦山禪房借榻完前緣老僧出圖

索題句燈前展玩雙眸潛憶昔寇氛迷江東血流天塹

龍蛇紅民棄鄉里官棄邑小城大郭同時空銅符銀印

盡拋擲紛紛誰敢攫其鋒金山樓閣逐一炬南徐北固

騰狼烽一卷殘石竟無恙官吏敗事僧成功守土守石

義無二空王殿上臣獨忠

寇至焦山僧挺身見之竟得免殘害

我離鄉土

二千里半載孤帆泛烟水願師爲我呼鶴起負我遄飛
返桑梓永守家園至老死

偕啓子義夜登湖心亭題壁留別西湖

癸

我遊山水如貪官千巖萬壑窮追攀得此望彼意無厭
搜奇剔秀窮林巒古今人跡不到處捫蘿附葛無時閒
山靈逃避不敢見狂吟直欲登青天我來杭州六十有
八日湖山到處聯詩緣山南山北墨欲遍登峰造極高
險巖五雲高峻摩星躔醉卧古殿披霞眠飛來古洞寫
奇句龍泓蘸筆揮腥涎初陽臺上望朝日精華吐納身

欲仙錢塘江頭望潮水海門迸裂蛟螭翻洗硯染汙聖
湖水鐫詩掃破高峯雲名區勝境罔不留姓字欲與白
蘇爭勝千年前可恨宦途拘束不許久留戀星槎轉舵
難遷延縱使我能強忍別湖去只恐西湖不忍離詩人
人山相思互糾結南北兩地重逢難功名孤負湖山美
回望烟嵐淚如水一聲長嘯畫船歸明月滿湖吾去矣

序附

余遊西湖數度未暢臨行復窮五日之力遍訪諸
名勝解纜之前一夕又約啓子義與湖作別至昭
慶寺覓舟未得遂由白隄過斷橋至平湖秋月緣
孤山西北行過西泠橋抵蘇隄第一橋還至平湖秋
月舟已覓得遂登船南泛時月上已高秋光滿水

泛至三潭印月登隄步月望南高峯嵐影蒼茫與
雷峯浮屠相對俱入畫境返登舟至湖心亭登遊
一周寺僧已眠遂援筆大書此詩於門外壁上子
義代持硯縣役代持燭書成登舟寺僧不知也此
歸夜過半矣余出遊屏去騶從惟攜童一人初度
因不識路此役導往此夕因余將行役候送遂復
從遊以煞風景人供極風雅事亦奇也
尤奇者余遊西湖以此役始以此役終

癸乙襍鈔集下

冷泉亭 癸

夕陽下高峯空林人不見寒泉流無聲落葉滿深澗

理安寺

一徑隨澗行澗轉山亦轉但見澗曲折不知山深淺日

高峯障低寺近溪拗遠泉流不離耳山翠常滿眼古剎
據山坳頽敗遭兵燹壯觀一朝殘荒涼足悲憫佛冷爐
香空僧去庭草滿禪房坐小憩新泉滌茗椀寺有泉淨名法雨
土有盛衰人生何修短徘徊不忍別斜陽忽已晚

飛來峯歌

癸

奇峯不肯終西域半夜潛逃入中國天風一陣起恒河
草木雲霞生羽翼山頭突兀直入天山腳嵌空不著地
嵐氣玲瓏石骨空神斤斲透千層翠疑是飛來立未安
山新地舊難附麗豈爲夸娥二子移豈爲巨靈神擘開

當年佛法入中國潛隨白馬馱將來懸巖橫縮壁直裂

神龍仙猿爭窟穴

山有龍泓洞呼猿洞

異木根蟠竺國泥不解閭

浮有霜雪

山多異木不借土壤根生石上冬夏長青

胡僧見面識故物人山

相見歎濶別我來登遊呼快哉幾番欲去頻徘徊只恐
山靈思故里他年拔地重飛回

五人墓

癸

滿城香火赤如血香烟冪空愁雲結一聲木柝萬人呼
展齒齧頭頭顱裂萬人起事五人死成不希功敗甘罪
冤魂上天天神悲奇骨入地地祇喜神龍憤怒湖水飛

井闌起舞轟晴雷嚴裝仗劍導旌旗生難相救亡相隨
吁嗟乎宦官刑餘本卑賤信任必爲天下患漢唐失計
信宦官權勢增高釀弑篡有明宦官尤披猖厥衛毒流
九州遍尾大不掉奴制主厥弊在弗防其漸兒子拜義
祠建生東廠旨重天子輕奮臂大呼折凶燄拒命乃以
尊朝廷噫思宗卽位誅魏璫杜勛賣國終敗亡此輩陰
險良難防

磬山歌新泰旅舍題壁

癸

仙人手分太華峯飄然擲向齊魯東其高莫及其險同

一錐直立當穹窿我來山際時季冬凌寒策杖登龍嵒

興夫好奇齊追從一徑直上躋禪宮

山半有廟忘其名

禪宮橫

據山之中危途旁達上路窮陰崖雲凍雪不融雪凝石

沍迷行踪撥雪覓磴雙屨封失足一跌頭目瞢股慄難

起心憧憧肘行而上人如蟲

峭壁陡絕廟之上無路可登廟祝因山陽險導余由

山陰登積雪沒磴行尤難將至頂巨石光潔不能着足兩旁鐵索已壞僅存柱窠余足滑行急失足幾跌下手

攀柱窠倖免此山頂極陡路須橫繞上山陰陽二路皆難行之至

絕頂古殿摩蒼穹憑

高縱眺開心胸徂徠新甫連東蒙亂山四合青濛濛

風疾呼雙耳聾白日壓頭眉欲烘山陽路險踰蠶叢巨

石側立臨大嶺左倚峭壁右陷空石滑壁迥難支筇鑿
石作坎足半容柱折索斷無留椿叶解屨步下行隴踵
心肝戰戰揺目瞳怪巖如鼻梁有鋒摩鼻作徑行僅通
仰視欲壓魂魄恟北方山勢恒凡庸如茲奇險良罕逢
蓮花落雁堪爭雄大小靈秀同毓鍾山又名青雲泰山紀勝稱此山之奇
爲蓮花小影惜哉驛路期忙匆未能信宿開幽棕鄉愁
謂似太華也暫寬遊興濃明朝相約登岱宗

金山歌癸

山靈有心驚遊人故將舊景重翻新長驅波浪過山北

大江頃刻生埃塵金山在江心而今在江外天吳遜讓

避梵宮奇峰涸出洪濤退萬年勝境忽改觀滄桑變化

恣神怪其山雖小其景奇高臺登眺舒吟懷

頂有妙高臺

連

峯壓岸碧不斷海門分關滄溟開大江東走赴渤澥潮

頭逆捲蛟龍迴洪流一片接天白大帆小楫隨風來亭

標吞海據絕頂

吞海亭與焦山吸江亭遙對

吸江遙對同崔嵬當年

江北妖氛起粵人一炬禪林毀滿山樓閣盡灰塵江波

熱沸雲霞燬名山遭劫不能逃生靈塗炭焉避死鎮山

玉帶倖僅存中泠湮塞泉無水我來幸值時承平滄江

浪靜藏甲兵寺宇重新僧徒聚高低金碧排瓏玲盛衰
倚伏轉眼變舊事迴首傷人情陵谷變遷自古慨未來
逆料何人能君不見昔時荒蕪地洋樓百丈修崢嶸

揚眉山歌 乙

揚眉山勢如屏風截然橫亘羣山中一條危嶺攢亂峯
左無依附右無倚上入青天下水大河三面蟠邈迤
山高千尺厚一尺劈盡山骨留山脊石鋒棱棱垂繩直
利刀削去山兩面九峰駢立成一片仙雀迎風開尾扇
陰崖徑險森羅名魑魅白晝隨人行一步之外殊死生

山陰徑尤險行者認足跡而過土山幻關洞洞無主破

人呼爲閻王殿言舉步誤則死矣

巖作壁河塞戶靈狐逐人僧殉虎

山有揚眉洞或呼羊與虎搏擊以掌虎死僧爲虎爪所傷亦死近有人居皆爲狐仙所逐不能久

雕青鑱翠形崔

嵬神斤鬼斧逾班倖異哉化工真好奇

桑乾行

七

山靈河伯相戰征岡格巒拒不放行連山如陣河如兵
一水衝突誰敢搜濤車潮馬隨奔騰峰劍嶺戟同撐撐
魑魅魍魎紛相爭山石遏河河難出不能直出河倒折
倒折不迴仍旁突山勢愈緊河愈疾急浪搗崖崖成窟

大波擊巖巖中裂濤頭猛烈虎豹慄石峰銳利蛟螭怛
千里相持勝難決君不見黃河星宿探靈源溯流積石
洪流奔盤山入塞趨龍門又不見大江東行下三峽夔
巫十二奇峯夾灩澦當衝阻舟楫茲河之大二水同導
源雁代流不窮大行北走摩蒼穹人行不達河能通一
條曲折山之中山曲流橫直流縱五里轉西十里東時
或狹細時廣洪淺深高下無定踪水漲非雨波非風頃
刻變化驚神功水師迅速疇當鋒蒼山中斷重圍開孤
軍突出良快哉建瓴直下高崔嵬疑是將軍天上來長

雲橫鎖流不迴狂瀾捲地聲如雷一泄弗駐茫無涯竹
箭稽留奔馬遲百里之遠一瞥纔當之者沒過者摧千
村萬落同沈埋水災凶猛逾兵災傷哉小民真可哀吁
嗟乎安得兩岸增山三百里束此河流直入海

泰山觀日出作歌

癸

滿天星月鳴宵鐘披裘夜起登高峯是時日馭猶未上
朱光一抹橫天東羲和洗馬解六轡火輪稅駕蓬萊宮
咸池鼎沸沃焦熱丹霞入水蒸魚龍天雞一聲九州白
曙色蕩漾分鴻濛陽輝乍吐若新月漸高漸滿猶朦朧

海霧韜光不許放一團戰血旋天風天風吹上霧氣散
精光迸出開瞳矐時如兜牟銳其頂時如瓶罍纖其中
時如孤檠色閃閃時如爐火光熊熊忽起忽落忽明滅
異彩顛簸生鋌鋒頃刻之間數更易變幻莫測窮形容
朝光一片起天末火雲倒印滄溟紅吾聞陽精結爲日
厥質爲火歸離宮火性炎上無定體隨時變化驚難窮
罡風海氣兩團結光芒閃爍迷雙瞳目力所及幻象見
虛花隱現皆成空執日說日豈見日形拘象敝嗟愚蒙
安得乘風下絕頂振衣東走登方蓬手拍黃人攀若木

眞陽逼視開瞽矇

縹緲峰歌 癸

縹兮緲兮洞庭之山分踞湖當中千青萬綠拱此峯碧
螺昂首出滄海秋濤四面翻長風莫釐之高尚難比肩
立枝巒幹岫那足論卑崇疑是蓬島三山移內地烟霞
木石皆飛空危峯凌虛挺寒翠上有青天下無地孤雲
搖搖峯欲墜一朵芙蓉凝蜃氣登高四顧空乾坤波瀾
浩渺無邊際東望不見姑蘇西望不見宛陵北望不見
陽羨南望不見吳興但見水光天色同空明一白千里

如紙平亂山插水攢碎青岡連嶺斷各現形漁舟萬點
如浮萍往來梭織隨風行目光盡處天影合不見山水
但見蒼烟橫大風起兮蛟龍吼風掀水湧山欲走欲走
不走中流懸此身飄忽如飛仙手摩七十二峰頂一目
收盡三萬六千頃笑問東西二山諸岩巒有誰高與狂
奴並蒼蒼茫茫汪洋迴颺亂捲波飛揚猿狖匿避
蛟螭藏峯頭獨立神昂藏遊興勃發生死忘我聞洞庭
湖中亦有山一峯特立青岬嶺彼湖此山名適合迢迢
吳楚同遊難安得此身乘風化雲去飄然直上君山巔

觀潮歌 癸

奇矣哉怪矣哉大海之潮其神哉吾不識其何自去而
何自來尾閭消長不失信胡爲上應明月之盈虧自古
至今總如一朝潮夕汐無時乖海鱸之出入豈足據橐
張籥翕實乃天地之元機濤頭何崢嶸未見水勢先聞
聲其聲澎湃淅淅灌漭濤渭不可辨有如沙場格鬪風
塵冥又如兵鏖赤壁下舟楫人馬同縱橫弗雲而雨弗
電而霆大鵬股慄不敢以南徙神龍倦首難飛騰靈胥
一怒海門大開破關而入驚濤橫飛陽侯卻走流西回

海若疾趨窮相追沃焦石沸扶桑摧落際逆湧三山頽曰
月汨沒兮雲霧迷天關沾溼兮地軸傾欹大江之水倒
退五千里萬魚轉首隨奔馳若非尖塔兩山互鎖鋼直
恐三江五湖皆沉埋倏然起兮倏然止東吳西越須臾
爾晝來夜往不一時陰陽伸縮隨轉移惟其神也乃能
奇也怪也此其變化無方之妙孰得而測之吁嗟乎大
海之大莫與京兮海潮之猛固敢撓兮海門積砂高莫
登兮巨艦萬斛賴此而升兮飛輪激火孰敢膺兮潮兮
潮兮吾願汝勿生兮

飲酒

訪友不能遇天寒無地避行行凍不勝縮頭投酒肆裏
空難盡歡小酌聊適意三杯已醺然倚几欲成寐學小
易著書志小易成事才小易爲詩量小易取醉

貧居

貧居貴能忍苟活且優游室暗爐爲燭天寒酒當裘危
亡尙難免凍餒豈須憂百歲原彈指匆匆何所求

天耳山

萬石攢一山山石皆直立亂筍排有鋒嵐光翠難合正

風吹欲倒飛鳥不敢集朝天護佳兆儼然萬笏執

俗呼萬笏

朝天范文正公先塋在此

三菴傳水晶精舍據豈岌

山有上中下壁

三水晶菴

夾人磨肩崖陡徑疊級鼓勇試登攀隆冬汗背浹惜哉行匆忙奇峯難遍踏

袁江舟次贈恩竹樵

癸

蒼天樂使詩人聚冰雪漫江阻歸路吳門分手幾何時

繫纜袁江又相遇

孟冬吳門晤竹樵談詩頗洽公隨奉旨署漕帥余過江後猝遇風雪舟凍

不行季冬始抵袁江公已由陸先抵任復得相見亦奇事

竹翁矯矯詩中仙奇才傑

出迨前賢岱雲塞雪入佳句錦囊壓碎奚奴肩

公歷任奉天府

尹山東按察

幕中良友盡佳士填詞覓句同爭先主賓風雅

共提倡大江南北才名傳

幕客延小昉許康甫榮履吉皆工詩詞

我奉

使命來越西湖山到處供詠題衡文雖粗衡山細掄青

選綠皆留詩鼉江反棹意未饜吳天勝境窮攀躋滕六

泥人滯遊興連江結凍舟稽遲豈知天意別有在與君

再會機緣奇主客相見忘離別寒溫不敘先談詩郇廚

拜賜飽饒腹酒酣握筆新詩來材官健卒盡掩口使星

節帥皆詩癡醉人放誕莫相笑狂奴故態君久知相逢

可恨難久駐郵程匆遽催人去明朝振策別君行到處

思君寫詩句

窮居 乙

市城彷彿野人家三徑荒涼且莫嗟
窓破擁衾看好月垣顏隔院見鄰花
空庭葉落時聞犬老樹枝枯亂集鴉
幸喜居停容客住蝸廬終歲許常賒

歸隱何須遠入山窮居寂寞俗情刪
停車客少奴常醉索債人多戶不關
家爲無錢能節儉官因有過得清閒
丈夫豈肯移貧賤歷盡艱難總笑顏

豈是狂奴故好奇愁中樂事有誰知
妾能操作何嫌醜

兒解詩書不厭癡放誕拚教人笑罵困窮自負我支持
委心任運忘修短身世榮枯得幾時

應世才疎困宦途天涼窮骨倍清癯冬衣未製求良友
酒債難償累老奴陋室風光如旅舍冷官滋味似寒儒
壯懷銷盡甘株守莫把今吾擬故吾

偶成

休論節義與文章萬感都歸酒一觴貧豈能安才本拙
名非敢好性原狂語言不檢因常醉酬酢多疎爲善忘
終始我惟行我法誰知世態有炎涼

隆冬風景倍淒其獨坐南窗強索詩凍犬避寒眠落葉
飢禽覓食啄枯枝窮愁固結無人告苦况蕭條只自知
人事天光盡如此春回黍谷待何時

戲作

去歲已貧甚今年益不如奴因賒酒傲友爲索書疎家
喜飲客一至不能沽強奴賒之每有德色冬
無裘索友人所借書賣以贖裘友人頗見怪
生計原無
著窮愁總有餘飢寒且休歎猶幸得安居

戲作自責

西賓疎嬾出不歸東家越俎姑代之東家好酒性蕩逸

半日授書半日出若援婦功計讀功一月只得十五日
學生得意抱書笑兒非怠學耶咨教

吳李敘九

敘九從軍塞上病死

書劍凋零萬事非奇才辜負壯心違死能留子猶爲幸
骨得還鄉卽是歸遺稿縱存應失散虛名雖有亦纖微
孤魂塞外招難到滿地風霜何所依

與廉縵卿清皆平宗子美子佑昆季酒肆小酌王
牧菴道士至遂拉同飲大醉余與皆平送歸廟

縵卿亦大醉

窮人相聚無可樂有酒堪賒且同酌相迫列肆忘主賓
入座先傾無算爵縵卿腹大腸最寬宗慤年少尤狂顛
分曹鬪勝共酣飲淋漓餘瀝沾杯盤長鯨渴吸百川竭
酒泉頃刻枯靈源仙人忽飛來奪我手中杯稽首大笑
說乞酒一口吞盡葡萄醅羣起把臂不放走狂呼索酒

樽重開神仙戶大惡甜酒瓊漿金液調和諧

牧庵不飲甜酒取苦

酒與白酒互調飲之

佛子量洪不少遜釋道對壘相擊排仙風逆

捲酒星落蓬島化作糟邱臺

皆平會爲僧

蓬萊山顏仙人倒

頭枕丹經臥瑤草醉人左右醉人扶蹶躄同行屢傾掉

到門不識不肯入口中猶自誇詩好借問道傍清醒人
如此疎狂世應少酒兮酒兮此中有真味能使三教之
人一時醉

焦山歌

癸

大江西來七十里巨溜奔流直入海崑然一山鎮其尾
挺立中央柱之砥雲根千丈深插水萬古洪濤漂不起
石闕橫流限江底海門雙開銷溟渤獅子搏象奇峯峙
山有雙峯脉接京峴東北至象山入江突起爲此山嘗
有善泗者沒而捫之石闕亘江郡志稱焦山兩獅形石
公兩象形屹然相對金焦二山雙峙乃行宮高據標
江漢朝宗於海之門戶焦山有獅子巖

崔嵬 天章褒寵山靈喜定慧寺古普濟始叢林鼎盛

浮玉擬

定慧寺勅自東漢屢燬明重建漸大遂與金山埒本名普濟後改焦山康熙間賜今名浮玉

金山別名

三詔洞幽留故址漢臣藥醫宋天子

三詔洞在山麓漢處士焦

光隱處宋真宗疾夢處士授藥遂愈

鑽丹石穿今猶在木剛石柔悟道體

傳先生好道居焦山以木鑽石石厚五尺許四十七年石穿遂得道石名鑽丹石

太陰鍊形周

道士骨肉腐盡心不死

周隱遯洞庭山道士嘗居焦山學太陰鍊形之道死於崖窟中

囑弟子曰六年當再生其身盡壞惟臟不變至期果生後如此三度近八十歲如卅許人

夜霞照水

濤頭紫華嚴法界在伊邇

宋僧佛印在金山夜見焦山西北霞光燭星漢因江中松

寥二小山俗稱海門遂謂卽華嚴經所言海門國

仙鶴避雷潛山趾陽侯呵護

石不毀

瘞鶴銘在山西麓不知何人書當江流之衝日

江摹揚陳恪勤鵬年

始起石立之寺中權門托足古鼎恥舍身淨土同懺

悔

在周無專鼎漢陶陵鼎今皆

銅鼓騰聲驚犀兕陶陵漢

篆人稀解

伏波駱越鼓亦在

高軒藏書標仰止忠魂繞

卷血滿紙

焦山仰止軒奉楊忠愍主

娑羅七葉華蓋似

天然仙杖竹奇詭

焦山多竹一種生石罅天然屈曲可

生如

我來尋仙攀岌義梵宮小住塵心洗老僧高雅佛

印比導我登遊勞杖履

定慧寺主芥航上人工詩善書

亭登吸江眼界啟波光醉咽冷浸齒

絕頂有瓜州

近尺咫粉沙橫鎖長遞迤

山北有沙長數十里橫互江中爲郡之捍蔽隋煬帝官人

於此

夜深開門重曳屣江空山靜萬籟弭斜月欲墜陰

風飄燐火浮沈走戰鬼

宋元會戰於此

伊樓借榻悟禪旨山月

滿目江滿耳

伊樓伊簷也建在定慧寺

遊踪匆遽難久待作歌贈山

聊實紀吟成奇句仙人駭詩與名山共千載

仲冬旣望與縵卿夜酌醉後偶成

窮達雖殊總夙因隨緣安置苦吟身世原皆醉非惟我
月不常圓况是人松柏後凋何畏冷梅花早放豈爭春
今宵有酒且同飲幻境茫茫休認真

酒醒不寐疊前韻

窮愁潦倒本前因，附贅懸疣歎此身。
能近恒情豈狂士，不遭奇禍總庸人。
夢魂欲出三千界，歲月虛拋卅六春。
僵卧蕭齋燈欲燼，迷離醉眼看難真。

來往爭知果與因，偷生何惜夢中身。
良宵恰喜有明月，酩酒安能無婦人。
詩可延年千載壽，花堪解語四時春。
信陵豈是甘戕賊，修短彭殤本不真。

卅載難償未了因，塵緣束縛苦纏身。
有才終必爲靈鬼，不死焉能避俗人。
船破那須求出水，木枯何用望回春。

衰榮天已安排妥涉世無防自率真

夢醒偶成

夢中見青山彷彿曾遊處驚醒不開眸恐放奇峯去

季秋旣望自闌出泛舟西湖登孤山謁二林公墓蘓

白二公祠月上後復泛舟至湖心亭三潭印月

夜半迴舟孤山登岸過西泠橋至蘇隄跨虹橋

返宿舟中次日曉始歸

癸

我到杭州一月半閑藏難與西湖見今日始得出棘闌
遊興勃發難抑按呼輿飛出湧金門輿夫奴僕同狂奔

清光皎然撲城入未見西子先消魂柳洲隄邊開畫船
放棹西去身如仙亂峯繞水帶斜照樓臺金碧明孤山
孤山高踞湖深處繫纜登遊日將暮蘇白祠二林墓塞
衣走謁留新句不拜生人拜死人寄語諸君幸相恕官試
出閨卽當謝客因初到關防不能答拜四山暮靄同蒼
也予出閨急欲見湖未謝客而先出遊茫平湖一片忽有光回頭東望月已上放船再泛心如
狂船行漸遠月漸高月清水淨烟霧消迴風吹破水中
月金波萬疊隨船搖三潭塔影潛靈妖掃苔映月揮霜
毫湖心危亭正得月倚欄縱睡空塵囂興來返棹恣登

覽扶筇直過蘇隄橋是時天空月正明波平浪淨風無
聲四山倒影印湖水素烟一抹山腰橫五更歸舟枕橈
睡夢魂涼爽詩心清天明夢醒迴輕舟曉寒著體冬如
秋殘月未落日欲出迷漫滿水朝雲浮微風一陣掠舟
過水面殘雲如水流推蓬高呼林處士相期明日重來
遊

偶齋詩草外集卷四

鼠虎集

丙子至戊寅

宗室寶廷竹坡著

丹里口題壁

丙

亂山夾河流河走山亦走相拒不肯放直至丹里口洪
流溢兩岸緣山徑僅有飛濤怒擊足懸巖危壓首旬旬
振宏聲虎豹噤不吼目眩兩耳聾搖搖魂弗守壁觸濤
頭柔沙沁石骨朽連峰亘不斷矗立排左右境險景自
奇匆匆歎孤負題詩聊紀勝歸視同吟友

冷家莊

丙

扶筇過峻嶺欵步入仙源寺遠惟聞磬花多不見村河
聲翻石勁山色帶烟昏遙指僧樓迴行行共扣門

冷家莊

戊

好山如美色飽看不能饜十日雨來遊山靈亦生厭惜
哉簪組束往來時苦暫何當棄此官結茅傍巖砌

大雨行

戊

海雲拖雨從東來山雲挾雨從西至雲頭對湧趨中天
雷電紛爭互作勢陡然迴風捲地起雨雲合一雨交會
神龍混戰腥涎噴海蜃山蛟鬪精怪銀漢倒挽破空下

波濤橫飛六合溢昏昧那能辨晝夜俯仰不知有天地
湖山匿影白一色風雷合聲際萬籟耳聾目眩心魂迷
此身渾忘何世界須臾風停雨頓止斜陽一角出雲外

夏日雨晴同宗子美子右昆季增韻清至郊外某

王瑩傍納涼晚歸赴酒家飲醉後偶成

戊

踈鳥逼人無處避古塋權爲消夏地松柏陰森怪鳥啼
樹梢宿雨滴如淚解衣赤足同乘涼死生殊途忘賤貴
感此悽然傷心神人生安得不求醉莫愁杖頭青銅空
尋常行處有酒債開瓶鯨吸不主賓瓜果錯進襍肴馔

醉來傾酒同冰咀滿腹頃刻炎涼備卻憶晉豫民阻飢
煎血爲羹尸爲食我輩幸處安樂土一殮萬錢毋乃費
自慚迂拙乏奇才籌畫齟齬忤大吏哀哉小民幾才遺
賑鮮人繁安有濟有如嬰兒失乳哺任其自食活豈易
但願甘澍常渥施人謀不臧恃天意

夜雨

天儲晉豫三載雨併作一夜傾燕都萬龍拖尾吸東海
滄流挈盡瀛洲枯破空一泄夕達旦天瓢倒灌墮紫虛
豐隆手舁鼓槌裂飛廉疲憊屏翳痛李靖酒醉忘禁戒

天漿潑罄涓滴無龕赭崩摧怒潮吼墨雲壓空懸江湖
千垣傾頽萬室倒波濤浩蕩連街衢累年北方苦乾燥
千里赤地皴膏腴幸喜昊蒼錫甘澍大旱霖雨民其蘇
豈知天亦矯枉過經旬累日頻沾濡願天節雨勿輕費
留取次第滋災區

雨晴同阿藝圃宗子右遊釣魚臺河干某氏塋有

賣酒者就飲醉後偶成

戊

神龍倦息雲霞退金鷄高翔九鴻霽良儕扣鑲相踵至
遊棕難抑同蠟屐釣魚臺邇遊人萃橫虹高懸流汪濊

市塘菰蒲襍荷芰蜩螳當風曳商籟遠山就人炫晴翠
溼雲燥日蒸嵐氣佳城誰氏臨水漚投杖盤礴姑小憩
野人筐酒高呼賣假樽互飲潤渴胃酒酣枕衣傍墳睡
鬼卧土中人土外長眠短眠了無異冥然自足忘身世
夢鬼出就我求醉自云地主休迴避驚醒取酒起澆地
酒漬墳土若凝淚

靈光寺山亭同陳伯潛陳弼臣黃再同文仲恭飲

酒大雨驟至旋晴虹見

戊

冷雲潛起襲山背羲馭狂奔紅日避峯巒陰沈巖壑閉

白晝頃刻變昏晦列缺燭林驚魑魅霹靂撼崖石崩碎
猛風陡然挾雨至風狂雷厲互作勢風勢愈猛雨愈大
傾盆直注聲如沸風頭突轉雲倒退日光一道破雲墜
化爲長虹亘天際上銜峯頭下拖地我聞虹蜺乃沴氣
吐金吸酒恣奇異舉杯屬虹當共醉幸勿止雨任滂沛
四海飢民同望歲

盧師巖

戊

神龍戲鰲山骨裂大石萬鈞橫突出危巖懸空闢洞穴
天與高僧建禪室巖根內凹頭外凸內凹三分外凸七

呀然下垂黑如鐵松根籐蔓互糾結仰觀欲墮壓鼻顙
俯窺萬仞驚顛蹶高僧愛山龍好佛靈龜共據魔莫奪
又名極
魔巖 頻年苦旱憂雨缺草木焦灼山原渴願師勅龍
挈溟渤大降甘霖滌旱魃俾斯飢民同全活

補地謠擬李長吉

戊

共工舉顙乾坤傷雲根陶冶憑媧皇媧皇愛天不愛地
西北補足東南棄尾閭下泄無涯涘巨壑旁通十萬里
鯨鯢鼓鬣翻洪流濤頭逆湧撼九州何時鍊就土五色
填平落際塞龍國

秋霖行

戊

銀蟾金虎久契濶邂逅天達不忍別別涕滂沱流不住
化爲秋霖朝復暮春日雨甘秋雨苦連綿而月萬事阻
商羊足濡厭不舞火山萬丈無乾土溼雲疊鋪百重厚
潑墨漲空晝昏黝迴風一捲雲橫剖上雲不動下雲走
積雲愈多雨益大竟日當空吐滂沛龍虬奔馳力疲憊
虹蜺潛藏嬾不挂今年春雨何吝嗇餓殍滿田祈不得
今年秋雨何糜費平陸成河靳開霽只愁費盡雨源斷
下界憂潦上界旱願天調雨救飢黎吾皇愛民天所

知

中秋節債難償戲作避債臺歌書寄宗子美索和
戊

古今惟有債可畏債多天子亡其貴敲破天門不敢關
閭闔九重無處避姬家天子貧如我大姓追呼若星火
邦畿質盡九府空手持鎖圭涕潛墜經營舊制遵靈臺
簪鼓椎裂民不來傳語庶民攻勿緩索逋旦夕頻相催
九鼎家傳不忍賣貨此袞衣難償債卻羨商王國劇富身
死鹿臺財猶積伐秦志壯功未成宿累自茲揮弗清稱

貸出師豈長策無財安得輕用兵吁嗟乎人生可賤不
可貧果能爲富何須仁試看古王尙如此我輩於今
焉足論

同黃再同袁爽秋夜登寶珠湊遂上絕頂望月

戊

望舒招人登層巔興來赴約忘險艱二客從予戀不還
直上五里尋禪關大呼擊門驚金仙危榭吹火新薜蘿
牆垣束縛難盡歡更上絕頂窮大觀騰身高立層雲端
人與明月同在天仰瞻碧宇萬里寬俯視一白茫無邊
遠岡近岫同皓然秋雪皎潔連蒼烟黃龍亘地行蜿蜒

鱗甲閃爍金輝鮮碧螺對踞吸銀盆秦鏡倒射隋珠圓

昆明桑乾左右分上光下色月水連

桑乾在山西月光照耀宛如黃龍昆

明湖在山東一片圓白如銀

晶宮夜宴花炬攢列缺逆

掣陰火噴

是夜月明雲淨東南時有火光迸起若電疑即海賦所云陰火潛然也東南三百里即天

津流星如螢飛面前銀河漏水沾臚肩陰崖窈冥埋積

雲萬木交影闕無人虎狼飢嗥怪鳥喧冷風攪澗沙石

旋肅然而恐難久延手火下洞心骨寒枯僧夜坐死後

禪袈裟雲濕青苔斑萬年跣趺永不眠魑魅縮首隨列

班

洞供海秀禪師又稱爲鬼王和尙傳是真身高僧也

我昔渡江登焦山玩月嘗

過東海門又嘗石公巖遊船澄波夜宿開心顏
石公山在太湖
庭山舊遊回首垂六年今宵勝概差相倫水月朗潤山
月乾兩境意味清一般良遊佳景洵足傳誰同來者黃
與袁

山溪月夜 戊

寂寞小溪上夜深人不逢竹林泉響細草徑露華濃閒
看水中月偶聞山外鐘徘徊不知晚獨立倚孤松

出郭 戊

雨晴天欲晚睡起酒猶醺出郭一登眺西山生白雲涼烟

迷大野古木帶荒墳冉冉秋將暮蟲聲不可聞

偶成

戊

飽食日無事狂吟斷硯磨有生原若此不樂欲如何
病骨逾秀官閒詩更多行年四十近壯志漸蹉跎

摩訶菴

西村新釀熟小飲醉忘還扶杖入古寺登樓見遠山
寒林斜照外孤塔暮雲閒秋色悅心目憑高俗慮刪

戊卯集

戊寅己卯

清冷池題壁

卯

昔年讀書地何時得歸隱清曉一聲鐘憬然名心盡殘
荷不滿池水淺西風緊

竹添進一過我言別宗子美清階平適至遂同西

席王蘭君聯句是日立冬

別

別離已難堪何況適異國

坡

天海萬里遙重見恐未得

美言志詩有情解憂酒無力

進

但盡別筵杯莫吹離亭

笛

蘭

語闕筆能言秋去花留色

皆

人閒新詩酒天外大

主客

坡

所言况匪私彼此何閒隔

美

聖賢同我師斯道

在簡冊

進

精神所貫通乾坤一咫尺

蘭

十二萬年後復

同今日席偶

秘魔崖題壁卯

高崖奇險勝平坡

山名在崖西

古跡流傳說秘魔頭上萬年

懸怪石眼中千里走長河風迴曲澗蟬聲遠秋入空林

橡子多佳處菴留人不見詩魂曾否返巖阿

貴月山先生慶結屋

崖東額曰
住處留菴

雪晴偕宗子美子右昆季增韻清郊遊

戊

廢苑閒遊慣初冬景不同林開孤塔出山轉曲流通寒

藻隱冰碧殘楓帶雪紅同行盡詩客摹寫恨難工

題董口口詩草

山奇何在大官好不妨卑足下萬里路囊中一卷詩吾
生抱遊癖到處撚吟髭海內有同志相逢旋別離

養疴後集

庚辰

靈光寺病中與宗子美飲酒聯句

平生學仙兼學佛入寺亦攜杯中物

偶

狂奴平等佛不

噴彘肩野菜同時割

子

連日陰雨今日晴天欲我輩西

山行

偶

維摩病起厭爇藥天花忽此逢摩登

子

萬古絕

色惟青山四時姿態隨變遷

偶

美人新妝艷梳裹向晚

偶齋詩草外集

卷四

九

更易青螺鬟

子

酒酣日落霞滿天不飲天亦朱醉顏

偶

老松已死籐猶纏徙倚恐是虬龍蟠

子

松樹下

飲宿雨滴瀝

沾背肩碧瀋染襟凝腥涎

偶

近巒收雲現天體上弦半

月東南起嫦娥彷彿開玉齒笑我酒徒狂未已

靈光寺偶成分韻

眾綠四圍合孤亭臨水濱坐石默相對林靜疑無人低
頭看溪水南山來微雲

飲酒偶成

舉酒對青山青山落酒面興來一吸乾奇峯吞不見昂

頭看山山不知呼
僮爲我盈酒卮

辛巳集

雲水洞

一峯高立直出天
一穴深陷橫入山
摘星陀危摩度躔
雲水古洞藏巖邊
秉炬偕進忘險艱
始猶宏敞繼漸難
解衣膝行石逼肩
十八偃僂過又寬
垂乳滿室成奇觀
形窮象盡驚萬千
夏裘冬葛晝燭然
晦明燠寒殊八閒
梅蕊皎潔依紅蓮
菊英歷落攙牡丹
雪花萬朵當暑鮮
米鹽堆積辟不餐
五銖不寒空裝棉
三進路絕行莫前

一窟下透奧窔穿箕踞而下如墜淵愈進愈仄穴曲彎
轉向作背身倒翻大石萬鈎當頭懸灌頂滴滴垂陰泉
陰氣逼火成青煙雲梯上躡升天關纓絡四垂飄幢幡
五百羅漢高如人對人欲動口不言肅然而恐言同旋
掉頭遄返驚魄魂低眉菩薩嚴且尊不敢仰視疑怒瞋
昂然獨立何貴神甲冑儼若眞將軍何來鐘鼓聲喧闐
木魚雲板敲蟬聯疑是鈎天仙樂傳就視依舊石一拳
深潭百尺積水渾燭之正黑微見鱗毒龍異色同窟眠
仙橋怯度佛手援石柱矗立高入雲其下有虎當道蹲

心肺狼藉拋埃塵迴腸九折委地盤覓途出隘行步奔
松烟塞洞眸澁昏迎面一片明如銀清輝逼射心骨寒
歷盡險阻出洞門上天下地同一新

又

言尋雲水洞鼓勇恣遊遨山圍衆峯突巖懸孤穴凹始
入尙軒敞繼進彌口口方春變炎夏白晝成深宵目昏
燭松炬背汗寬絮袍溫韜竟屈膝淵明甘折腰上闢拓
廣廈旁通連奧窔窮形拙圖繪盡象陋鏤雕非金孰擊
鐘弗革疇伐礫虎龍卧同窟梅蓮開一朝四時天常漏

萬載地不毛迴翔學飛鶴伏進希潛蛟行前反卻後臨
深翻登高禪心南海竹仙骨西池桃雪花熱常積寶樹
寒不彫傳聞有積水臆說留仙橋搜神耳目眩索隱魂
魄搖半途廢良惜五進行已勞知止願聊遂勇退歸匪
遙留詩識名勝怪僻休譏嘲

使閩集

壬午
武夷集附

偶占

故園迴望路彌賒孤負窓前茉莉花誰說相思莫相見
行人無夜不還家

寄家人

善病生來慣離愁那得消心應全化淚瘦恐欲無腰別
院憐空濶幽房歎寂寥還家或有夢不負可憐宵
昔年北來路今日獨馳驅舊夢猶尋否新詩尙誦無持
家聊藉汝行旅孰偕吾早晚頻調護佳兒重掌珠
旅館孤鐙小淒涼誰抱衾思因新別苦情是舊人深兩
度遠離恨十年常病心嬌憨憐弱息寒暑莫教侵

德州旅館用癸酉韻

重過安德邑曲折路猶迷河近槐先見村遙樹盡齊新

苗初遍野濁浪欲浮堤喜有今宵月何須鄉思淒

擬古

不能隨君行無聊且相送問君眠何時夜夜好同夢

自張夏冒雨赴泰安一路山景劇佳午晴過堊台

題壁

晴山見真形雨山見變態陰雲互吞吐幻象恣奇怪峯
高偶露頭嶺曲時隱背斜風吹細雨漫山走烟氣林開
出孤村崖分見半寺朝陽漏遠峯一片蒸晴翠跋涉何
艱難泥滑復石碎路險景更幽身勞心倍快傍午始早餐

一杯聊自醉前途足瞻矚咫尺近泰岱

泰安道中

五嶽祭秩同岱宗獨有福他方山縱佳未經聖人目羣
峯四圍繞千里同一綠驛路難登游山高人自俗

朵莊題壁

溽暑拚勞瘁馳驅無得閒客行常畏雨驛路不離山峻
坂高難越危峯險莫攀連宵得明月相對一開顏
曉起自朵莊行越小嶺沙河數道至青駝寺

客行喜早發驛路慮多阻但希遊覽樂豈知跋涉苦峯

頭雲漸開巖隙日初吐羣山帶朝露青潤疑夜雨新泰
頭屢回東蒙指堪數沙濶河流分村遙樹陰聚嘒嘒林
蟬吟嚶嚶野鳥語薰風挾秋氣山深不留暑行遄境虛
過心閒景備覩勝概探不窮山川遍齊魯

凌晨自李家莊循河南行

宿鳥未起巢鳴蟬已流響河邊月尙明林外霞初上輕
陰帶水氣並作新秋爽風清暑初退雨足苗驟長沿流
行數里沙平隄岸廣古道何悠悠清波頗蕩蕩客心滴
無事卽景成幽賞佳趣任領受轉瞬已虛往

檢書得春初所夾牡丹花片題附家書

藉爾傳離恨隨風遠寄家書成頻拂拭憐是故園花

大風渡江作歌

詩人好奇忘生死大風渡江不肯止篙師心憂我心喜
如此奇景生逢幾天吳飛廉弄瓊詭故作奇險試天使
我命在天身在水王邇豈甘爲孝子扁舟如葉人如蟻
逐波上下墜復起布帆吹裂薄如紙掛落頃刻數繫解
桅檣側臥窗作底欲立則顛坐則倚大舟十丈舵後牽
萬石之重一鎖連

余乘救生江船不甚大將
所坐舟繫于江舟之後

進退升降

隨迴旋有時一側波倒翻後舟首磨前舟舷一觸粉碎
性命懸兩舟如珠同走盤隨風亂走欲住難直行不前
橫風走風頭直來帆斜受左行近岸倏折右風帆轉換
互尾首是時日晡天已晴風色滿空天不青亂山排岸
張雲屏峯巒搖撼無定形北固欹側連甕城蜃樓百尺
勢欲傾金山浮圖當面迎倏落腦後隨舵行焦山一點
漂水輕浮沉遠近流青萍心悸頭眩雙目瞢白晝昏昏
疑晦暝滿耳但聞雷雨聲空中恍惚來英靈魍魎隱霧
形不明多年戰鬼號嗶嗶江豚嚙楫鼉哀鳴飛沫打艙

血氣腥我聞韓王鑒金兵黃天蕩裏飛旆旌巾幘援枹
敢鬪爭須眉膽怯何無能又聞東坡州謫瓊南海暗渡
宵三更九死不恨奇遊矜白日利濟胡乃驚方今梯航
賈璫紘萬國玉帛同會盟使臣分出通四溟南過大浪
北抵冰以方茲水猶孟瓶縱有風波亦坦平丈夫有願
長風乘尋源上欲窮銀潢天船橫渡笑濯纓順流直下
周寰瀛坐看四州同澄清安能低首守戶庭臨深履薄
時兢兢須臾出險彼岸登風止潮落詩亦成明朝太史
聞 天庭析津昨夜過使星

宸前旅館題壁

林開峯出頭崖斷溪入口激湍深更急危徑仄且陡亂
石攢中流破碎如骨朽怒濤掃石過搖撼挾欲走雷霆
逐波起風水共爭吼臨深已戰兢一墜身何有戈船排
對岸金鼓震林藪魍魎何須憂自有蛟龍守

溪行偶成

天然一幅好丹青終日迴環棹不停水逐山流無定向
峯隨溪轉各成形炎威酷烈愁難耐蠻語迷離悶怕聽
莫道此行風浪險艱危世路卅年經

梨灘

一舟欲下不敢下一舟欲上不得上急溜直注駛如矢
大石橫排扼其吭千篙百纜亂牽挽人聲呼號濤弗響
石柱孔滑纜結解一放倒退下十丈上舟乘溜止不得
側下頭觸上舟槳兩舟相帖不容寸水力猛悍人莫強
逆挽側撐久乃開順溜一下馬放鞅回頭轉望上灘舟
困守灘頭重擾攘

黯澹灘

曲峽束深溪山轉灘岸闊濤頭迸中流側翻起三尺橫

遮若門檻見水不見石右顧攢亂峯左迴轟峭壁小舟
前我行飄然一葉擲震蕩危欲側遙觀慄魂魄要津無
能越鼓勇試不側斜流一瞥下逆風阻不得但覺身輕
浮不知舟欹側石磨舵有聲溜扣梢無力轉首望北嶺
摩天排戈戟夕陽下陰巖黯澹石青黑

灘舟

逆風扼船頭急溜催舵尾孤蓬進退難性命憑流水怪
石排刀劍半露半水底直流不能下迴旋亂渦起萬石
任沉浮一木憑轉徙咫尺異天淵須臾判人鬼水涸蛟

龍憂人來魍魎喜寄語司舵人僥倖休自恃

鼓山行

鼓山獨立南海濱就中劣削峯最尊我來奮力登其巔

快然一目窮七閩羣山西北來蜿蜒會城卅里開平原

雉堞一圍腰帶圓南臺低伏人烟繁

城南有越王鉤龍臺今其地名南臺

洋場在此蜃樓森列成異觀船塢崔巍壓江干星墩中立孤

塔乾

船廠東有墩名羅星

巨艦飄忽飛雙輪怒濤逆捩五虎蹲亂

山插海海水分

五虎門閩海口

洪波浩渺連廈門鷄籠鹿港迷

不真中山一髮微有痕山窮水涸茫無垠目光盡處上

下連不見海水不見天皓然一片惟蒼烟崿嶺隱約疑
三神扶桑如薺浮天邊沃焦眼見石一拳雲中恍惚來
羣仙絕頂亭圯基址堙四字大書千古傳頂有天風海
濤亭已久圯
晦翁書摩挲瞻仰懷昔賢名山亦借名儒傳大風忽起
波濤翻腥霧倒捲龍氣寒天地變色白晝昏魍魎出見
如逐人頭目暝眩欲住難凜然欲下發大言安得盡移
中華山立墳巨壑成平田茫茫此願酬何年望洋氣阻
空長歎

清風道中

石逼水空地雲連山入天客行深澗底旅館亂峯巔跋
涉休云險登臨信有緣茲行差不負到處得詩篇

金沙道中

驛路迴旋彎復彎崎嶇不憚屢登攀雲拖雨氣橫過嶺
風捲灘聲倒上山畫意詩情隨處見鄉愁旅恨暫時刪
千重峻阪前途阻何日仙霞返故關

鼓山湧泉寺題壁

滿地起雲烟罡風捲壑旋萬山趨大海一寺入高天階
下南臺樹窓中異域船琉球杳何處望遠意茫然

漁梁嶺

漁梁嶺何高閩中古有名兩山互盤旋一水中洄潨樹
密山益狹嵐氣疑晦冥陰崖若新雨土石同蒼青西迴
去路絕亂峯當面迎水折山亦轉忽見朝日明隨山徑
南下碎石喧溪聲徑窮石橋接復過西崖行鼓勇躋魚
梁下視如建瓴方知行嶺背當境原平平小憩下荒村
飽飯甘新秔崎嶇幸已過旅舍指浦城

舟中早起戲作

霎時不見便相思指日江頭永別離寄語風姨須作美

朝朝五兩向西吹

喜晤龍珠

十年再相見相見空相思既恨初見早又恨再見遲

飛來峯題壁

我非此閒人山非此閒山相逢俱是客對坐應自歎把
酒問山靈何年得飛還

同吳漸陸芥航上人登焦山絕頂吸江亭

絕頂高亭迥登臨實快哉潮平寒溜湧雲破夕陽開一
塔對山立亂峯隨水來今生能幾至欲下首重回

青駝橋

衝寒行役苦難言
撲面風多裘不溫
流水短橋通古道
亂山殘雪入孤村
關心歲月增鄉思
翹首家園斷客魂
料是今年歸未得
滿懷愁緒孰堪論

泰安旅館題壁

泰安積雪四千丈
有如白雲一片垂
青天絕頂隱藏不
可見
天雲山雪如相連
危崖峭壁盡藏匿
高低凹凸同
迷漫
朝陽注射素輝起
銀海閃爍迷寒烟
瓊樓玉宇望
空際
玉光萬仞開天門
憶昔使車返歲杪
冒冷曾攀

援琳宮宿候義馭五更滄海成奇觀迴頭往事忽九
載使車又過思重攀光陰迅速程期迫山徑雪滿行維
艱秦松凍殭壓蒼翠玉龍痴立鱗甲寒水簾洞冷掛晶
柱橋空雪浪凝飛泉舊游欲續不能遂簪組束縛慚峯
巒安得仙人借白鶴凌虛飛上秦觀巔登高一望小天下
將此瓊瑤世界收入雙眸間

朵莊題壁

年少疎狂老未休春華餘韻到深秋也知笑罵應難免
自顧須眉頗覺羞豈有大臣猶放誕強云名士必風流

仙苑遺書卷之四
卷五
澹菴伉直西平畧蜀妓黎媧事記不

鄭州除夕

客中得酒卽陶然况有雛姬侍案前醉倒匡床還自笑
不成離別不團圓

武夷集

夜望大王峯

酒闌會散大王醉夜半斜倚幔亭睡崑然千丈倚天外
不見峯而見峯背寒雲覆山月西墜陰崖沉沉暗蒼翠
恠石直立疑鬼魅昏烟萬壑鎖仙蛻

泛舟九曲日晚不得宿處陳立三導宿碧巖藍氏

別墅題壁

層巖壓屋重欲摧怪峯當戶不許開品石如人立絕頂
建軒石下何崔嵬憑闌俯視深萬丈灘聲逆送翻驚雷
峭壁對面鑄生鐵松篁簇碧如莓苔寒雲覆山暗嵐翠
魑魅恍惚行陰崖殘陽一道破澗入峯影落水搖金輝
隱屏天游接咫尺琳宮精舍安在哉

武夷精舍已圯天
游觀新煨於火

聖賢仙佛有衰盛勝境轉瞬皆塵埃同游佳客盡絕俗
主人不見空關懷傳聞蜩蜩昔來此

何子貞先生己亥
典試曾宿此次年

予始生四溪山留戀銜霞杯前賢後進喜同志恨余生
十四年矣晚難追陪詩成月上衆山暮吟魂今夜當重來

天游一覽臺題壁

孤臺高絕與天鄰乘興登臨眼界新一石蟠空擎古觀
萬峯昂首看游人巖巒奇詭蹲獅象洞壑幽深隱鬼神
不到茲山覽全局武夷面目識難真

一覽亭

千巖萬壑攢孤亭憑欄一嘯驚天庭武夷全局收雙睛
天山四望同蒼青九曲山各成象形到此一覽皆變更

高者候步奇者平低眉縮首不敢爭三十六峯排崢嶸
近支遠脈標分明青龍萬丈穿山行羣山左右相拒迎
當中一石堆峻嶒清流三面如帶縈鸞鶴上下分飛騰
獅象正側蹲猙獰標奇領異胥露呈山環水繞層復層
齊雲對面張雲屏星村萬頃開田塍大王比肩儼弟兄
三仰高踞難抗衡古觀絕勝舊有名焚如突遭感廢興
瓊樓玉殿嗟頽傾斯亭獨存供攀登祝融雖虐猶有情
我來憑眺游興增呼吸上通鄰太清長吟絕頂須高聲
詩有佳句天喜聽